



PRAVILNIK

**O USLOVIMA I NAČINU OSTVARIVANJA PRAVA NA DODJELU PLASTENIKA U
PROJEKTU „EKONOMSKO OSNAŽIVANJE SOCIJALNO I MATERIJALNO
UGROŽENIH OSOBA I MLADIH OSOBA KROZ PROIZVODNJU POVRĆA U
PLASTENICIMA“ ZA 2017. GODINU**

Banja Luka, avgust 2017.

Na osnovu Sporazuma o saradnji potpisanog od strane Humanitarne organizacije Muslim Aid, Sarajevo (u daljem tekstu MAID) i Centra za razvoj poljoprivrede i sela Banja Luka (u daljem tekstu Centar) broj 254/17 i 1198/17 od 23.08.2017. godine, a cilju realizacije projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ direktor Centra donosi

PRAVILNIK
O USLOVIMA I NAČINU OSTVARIVANJA PRAVA NA DODJELU PLASTENIKA U
PROJEKTU „EKONOMSKO OSNAŽIVANJE SOCIJALNO I MATERIJALNO UGROŽENIH
OSOBA I MLADIH OSOBA KROZ PROIZVODNJU POVRĆA U PLASTENICIMA“
ZA 2017. GODINU

I - OSNOVNE ODREDBE

Član 1.

Ovim Pravilnikom utvrđuju se način finansiranja, uslovi, kriterijumi i postupak za ostvarivanje prava na dodjelu plastenika u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ za grad Banja Luka u 2017. godini.

Član 2.

Projektom „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ se finansira nabavka 20 plastenika površine 100m², sistem za navodnjavanje, sadni/sjemenski materijal i prateća oprema na slijedeći način:

- 40% troškova obezbjeđuje MAID,
- 40% troškova obezbjeđuje Centar,
- 20% troškova obezbjeđuje korisnik.

II - PRAVA UČEŠĆA I USLOVI ZA DODJELU PLASTENIKA

Član 3.

Pravo na učešće u Projektu imaju socijalno i materijalno ugrožene osobe i mlade osobe sa područja grada Banja Luka koje posjeduju vlastito poljoprivredno zemljište ili članovi njihove uže porodice po uzlaznoj liniji (majka, otac, djed...), s tim da moraju sa njima sklopiti Ugovor o zakupu ili Ugovor o korišćenju u neposrednoj blizini stambenog objekta u kojem stanuju.

Član 4.

Podnosioci zahtjeva treba da ispunjavaju slijedeće uslove:

1. Da je nezaposlena osoba ili osoba sa minimalnim primanjima,
2. Da je upisan u Registar poljoprivrednih gazdinstava (APIF) i izvršio ažuriranje podataka za 2017. godinu ili dostaviti ovjerenu izjavu da će se upisati u Registar poljoprivrednih gazdinstava i klijenata prije dodjele plastenika,
3. Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju,

4. Da ima mogućnost navodnjavanja plastenika,
5. Da sufinansira 20% od nabavne cijene plastenika sa pratećom opremom (490,00 KM),
6. Da obavezno prisustvuje edukaciji iz oblasti plateničke proizvodnje u trajanju od dva dana.

Član 5.

Centar za razvoj poljoprivrede i sela Grada Banja Luka je nosilac aktivnosti vezanih za realizaciju Projekta.

III KRITERIJI ZA DODJELU PLASTENIKA

Član 6.

Kriteriji za bodovanje podnosioca zahtjeva:

- a) pogodnost vlastitog zemljišta za plateničku proizvodnju i mogućnost navodnjavanja (utvrđuje Komisija za dodjelu plastenika na licu mjesta), boduje se sa 1-3 boda, i to:
- slabi uslovi (veliki nagib, udaljenost od kuće više od 200 m) ----- 1 bod
 - dobri uslovi (relativno veliki nagib, udaljenost od kuće do 100 m) ----- 2 boda
 - jako dobri uslovi (blagi nagib, blizu kuće, dobar pristup) ----- 3 boda
- b) dodatni bodovi po osnovu pripadnosti jednoj od niže navedenih kategorija:
- podnosilac zahtjeva nezaposlen (vrijeme provedeno na birou za zapošljavanje), od 1-4 boda:
 - od 0-3 god. ----- 1 bod,
 - od 3-6 god. ----- 2 boda,
 - od 6-10 god. ----- 3 boda,
 - više od 10 god. ----- 4 boda,
 - za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje ----- 1 bod
 - za svakog izdržavanog člana porodice (nezaposlene osobe koje se nalaze na evidenciji nezaposlenih osoba na Birou za zapošljavanje, djeca, učenici i sl.) ----- 1 bod
 - mlade osobe životne starosti do 35 godina ----- 5 bodova
 - ako je podnosilac zahtjeva samohrani roditelj ----- 2 boda
 - socijalni aspekt:
 - bez primanja ----- 7 bodova
 - minimalna primanja po članu domaćinstva do 200,00 KM ----- 5 bodova
 - minimalna primanja po članu domaćinstva do 250,00 KM ----- 4 boda
 - minimalna primanja po članu domaćinstva do 300,00 KM ----- 3 boda
 - utvrđeno stanje na terenu ----- 0-4 boda

U slučaju da kandidati pri bodovanju imaju isti broj bodova, prednost će imati kandidati koji imaju status mlade osobe.

Kandidati kod kojih se na terenu utvrdi da ne posjeduju poljoprivredno zemljište pogodno za plateničku proizvodnju (npr. veliki nagib, veličina parcele i sl.) ili nemaju mogućnosti za navodnjavanje neće se bodovati, te se njihove prijave neće uzeti u razmatranje.

IV - POTREBNA DOKUMENTACIJA

Član 7.

Potrebna dokumentacija za dodjelu plastenika:

1. Obrazac za prijavu na Javni poziv
2. CIPS prijavnica podnosioca zahtjeva – original ili ovjerena kopija,
3. Ovjerena kopija lične karte,
4. Ovjerena kućna lista,
5. Dokaz o nezaposlenosti kandidata izdat od Biroa za zapošljavanje
6. Potvrda da osoba nije poreski obveznik,
7. Dokaz o nezaposlenosti svih punoljetnih članova porodice izdat od Biroa za zapošljavanje,
8. Potvrde iz škole/fakulteta za djecu/izdržavane članove domaćinstva,
9. Potvrda o visini primanja zaposlenih članova domaćinstva,
10. Ovjerena izjava da ne posjeduje plastenik u svom vlasništvu,
11. Ovjerena izjava da će korisnik podsticaja dobijeni plastenik zadržati u vlasništvu najmanje 2 godine od potpisivanja Ugovora,
12. Ovjerena izjava da podnosilac zahtjeva da posljednjih 5 godina nije ostvario pravo na donaciju, dodjelu ili sufinansiranje nabavke plastenika od općine, ministarstva, humanitarnih i drugih organizacija,
13. Ovjerena izjava da će sufinansirati 20% od nabavne cijene plastenika sa pratećom opremom (490,00 KM), te da će obavezno prisustvovati edukaciji iz oblasti plasteničke proizvodnje u trajanju od dva dana,
14. Dokaz da je samohrani roditelj (uvid u kućnu listu),
15. Potvrda o upisu u Registar poljoprivrednih gazdinstava prema mestu prebivališta izdate u 2017. godini.

V - POSTUPAK ODABIRA KORISNIKA

Član 8.

Centar za razvoj poljoprivrede i sela objavljuje Javni poziv za predaju zahtjeva za dodjelu plastenika.

Javni poziv sadrži uslove i kriterijume koje kandidat mora ispunjavati, potrebnu dokumentaciju i rok za podnošenje zahtjeva.

Izbor kandidata za dodjelu plastenika vrši se na osnovu pristiglih prijava na Javni poziv.

Član 9.

Komisiju za odabir krajnjih korisnika za dodjelu plastenika sa pratećom opremom putem sufinansiranja u saradnji sa humanitarnom organizacijom čine tri člana: predstavnik organizacije MAID – 1 član, predstavnici Centra za razvoj poljoprivrede i sela – 2 člana.

Zadatak Komisije je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja direktoru Centra.

Član 10.

Saglasnost na predloženu rang listu kandidata daje direktor Centra.

Rang lista odabranih kandidata se objavljuje na oglasnoj tabli Centra i službenoj web stranici Grada.

Član 11.

Izabrani kandidati potpisuju dvopartitni Ugovor o dodjeli platenika, kojim će biti regulisana sva dalja međusobna prava i obaveze.

Član 12.

Pravilnik stupa na snagu danom donošenja.

Banja Luka 14.08.2017.

v.d. direktor
Draško Ilić, dipl.ecc